



**Lyfjastofnun**

Icelandic Medicines Agency

# Mánaðarleg samantekt á lyfjaskorti

» Upplýsingarnar um lyf sem á einhverjum tímapunkti voru í skorti síðastliðin mánuð


Júní, 2026



# Lyf í skorti - áhrif á lyfjanotendur

Í síðastliðnum mánuði voru 467 lyfjapakkingar í lyfjaskorti, á einhverjum tímapunkti:

- Í 92% tilvika gátu lyfjanotendur fengið sambærilega lyfjameðferð. Áhrif skorts voru því óveruleg á lyfjameðferðina.
- 7 lyfjapakkingar voru í skorti þar sem læknir þurfti að breyta lyfjameðferð í aðra álíka lyfjameðferð.
- 5 lyfjapakkingar voru í skorti þar sem ekkert sambærilegt lyf eða álíka lyfjameðferð var fáanleg.
- 26 lyf voru merkt sem sérpöntun/útboðslyf, um er að ræða lyf sem eru að jafnaði ekki til á lager, en heildsala mun þanta ef þörf er á. Til dæmis útboðslyf sem eru ekki fyrsta val.



- » Upplýsingar og ráðleggingar eru birtar fyrir hvert lyf í skorti í sérlyfjaskrá og í vefþjónustu fyrir ávísanakerfi lækna.
- » Lyfjastofnun birtir lista yfir allan tilkynntan lyfjaskort á vefsíðu sérlyfjaskrár, lyf.is.

# Nánar um skort sem leiðir til þess að læknir þurfti að **breyta lyfjameðferð** í aðra álíka meðferð

Heiti lyfs	ATC-flokkur	Upphafsdags. skorts	Fjöldi daga í fyrirvara	Áætluð lokadags. skorts	Ábendingar	Ráðleggingar / annað
<b>Rosazol 10 mg/g Krem 25 g túpa</b>	D06BX01	27.05.2026	16	27.07.2026	Rósroði	<ul style="list-style-type: none"> <li>Til eru ýmsar aðrar meðferðir við rósroða, s.s. Mirvaso 3 mg/g hlaup, Soolantra 10 mg/g krem og Fenace (Parlogis - óskráð lyf)</li> </ul>
<b>Enalapril-Hydrochlorthiazid Krka 20 mg /12,5 mg Tafla 110 stk.</b>	C09BA02	13.05.2026	0	05.06.2026	Slagæðaháprýstingur sem ekki næst stjórn á með einlyfjameðferð.	<ul style="list-style-type: none"> <li>Ekki til annað samsett lyf en Enalapril og þvagræsilyf til í sitt hvoru lagi.</li> </ul>
<b>Enalapril/Hydrochlorot hiazide Medical Valley 20/12,5 mg Tafla 100 stk.</b>	C09BA02	27.05.2026	0	04.06.2026	—  —	<ul style="list-style-type: none"> <li>Ekki til annað samsett lyf en Enalapril og þvagræsilyf til í sitt hvoru lagi.</li> </ul>
<b>Hemlibra 30 mg/ml og 150 mg/ml</b>	B02BX06	01.06.2026	-3	31.12.2026	Hemlibra er ætlað til venjubundinnar fyrirbyggjandi meðferðar gegn blæðingum hjá sjúklingum með dreyrasýki A (arfgengur skortur á storkupætti VIII).	<ul style="list-style-type: none"> <li>Lyfið var markaðssett hér á landi 1.6.26 en birgðir hafa ekki enn verið útvegaðar. Um leyfisskylt lyf er að ræða. Von er á lyfinu á næstu vikum.</li> </ul>


# Ekkert sambærilegt lyf er/var fáanlegt

Heiti lyfs	ATC-flokkur	Upphafsd. skorts	Áætluð lokadags. skorts	Fjöldi daga í fyrirvara	Ábendingar	Ráðleggingar / annað
<b>Corsodyl 10 mg/g Munnholshlaup 50 g túpa</b>	A01AB03	28.05.2026	01.09.2026	15	Til sóttþreinsunar fyrir og eftir munn- og tannaðgerðir. Tímabundin meðferð við munnbólgu af völdum gervitanna. Tímabundin meðferð til varnar bakteríum og tannsteini vegna tímabundinna sjúkdóma, slyss, mikilla tannskemmda, tannholdsbólgu og tannslíðursbólgu.	<ul style="list-style-type: none"> <li>Corsodyl munnskol er fáanlegt sem almenn vara í apótekum.</li> </ul>
<b>Heminevrin 300 mg Mjúkt hylki 25 stk. Töflur</b>	N05CM02	08.06.2026	22.06.2026	5	Fráhvarfseinkenni áfengissýki, drykkjuæði. Svefntruflanir hjá öldruðum, sérstaklega í tengslum við næturóróleika. Ruglástand ásamt æsingi og eirðarleysi hjá öldruðum sjúklingum. Flogafár	<ul style="list-style-type: none"> <li>Undanþágulyfið Hemeverin mixtúra er fáanleg</li> </ul>
<b>Nystatin Orifarm 100.000 a.e./ml Mixtúra, dreifa 100 ml Glas</b>	A07AA02	15.03.2026	07.07.2026	20	Candidasveppasýking í munn og þörmum. Viðbótarmeðferð með öðrum staðbundnum lyfjum sem innihalda nystatin til að fyrirbyggja endursýkingu.	<ul style="list-style-type: none"> <li>Undanþágulyfið Mykundex mixtúra hefur verið fáanlegt þar til um miðjan júní. Vandkvæði hafa verið við að útvega undanþágulyfið en það er nú væntanlegt til landsins á næstu dögum.</li> </ul>

Lyfjastofnun barst lyfjaskortstilkynningar um fyrirsjáanlegan skort fyrir 2 önnur markaðssett lyf, þar sem ekkert annað sambærilegt úrræði var í boði. Í öllum tilfellum tókst markaðsleyfishafa/umboðsaðila að koma í veg fyrir eiginlegan skort.


# Fyrirvari lyfjaskortstilkynninga

## Fyrirvari tilkynninga



- » **Fyrirvari er mikilvægur** svo nægur tími sé fyrir lyfjafyrirtæki að útvega sambærilegt markaðssett lyf eða undanþágulyf. Þannig er hægt að koma í veg fyrir hugsanleg vandræði lyfjanotenda og aukna vinnu fyrir heilbrigðisstarfsfólk.
- » **58% af lyfjaskortstilkynningum** fyrir lyf sem voru í skorti bárust með meira en 8 daga fyrirvara. Það endurspeglast í fjölda tilfella þar sem flokkun á lyfjaskorti er lág (sjá næstu glæru), þar kemur fram að í **78% tilfella** þurftu lækna ekki að breyta lyfjaávísun.

# Fjöldi lyfjaskortstílfella þar sem breyta þurfti lyfjaávísun



## Litakóðun birtist í ávísanakerfi (Sögu) ásamt ráðleggingum:

- Lágt** Læknir getur ávísað markaðssetta lyfinu þrátt fyrir skort því hægt er að breyta lyfjaávísun í apóteki og lyfjameðferð helst óbreytt.  
Dæmi: Önnur lyf eru í skiptiskrá, til er önnur pakkningastærð, annar styrkleiki eða útskipti í undanþágulyf eftir heimild Lyfjastofnunar
- Miðlungs** Mat læknis hvort hægt sé að ávísa markaðssetta lyfinu í skorti eða hvort ávísa þurfi öðru lyfi (val á milli lágt eða hátt).
- Hátt** Krefst ávallt aðgerða af hálfu læknis, ekki hægt að leysa málið í apóteki. Læknir þarf til dæmis að ávísa öðru markaðssettu lyfi, öðru lyfjaformi eða undanþágulyfi.

# Heimild lyfjafræðinga til að breyta ávísun læknis í undanþágulyf

- » Lyfjastofnun **getur heimilað lyfjafræðingum í apótekum að breyta ávísun læknis úr markaðssettu lyfi í undanþágulyf** skv. 52. gr. lyfjalaga 100/2020.
  - › Úrræðið er einungis notað í sérstökum tilvikum að undangengnu öryggismati og þegar ljóst þykir að án aðgerða kæmi upp íþyngjandi staða fyrir lyfjanotendur og heilbrigðisstarfsfólk.
  - › Ávinningurinn sá að **dregið er úr neikvæðum áhrifum lyfjaskortsins á lyfjanotendur og heilbrigðiskerfið**. Þá er hægt að ávísa lyfinu sem er í skorti, ekki þarf að ávísa undanþágulyfi beint og hægt að afgreiða lyfjaávísanir á lyfið í skorti sem gefnar hafa verið út rétt áður en skortur hófst.

22

Heimildir voru í gildi þar sem lyfjafræðingar í apótekum geta breytt lyfjaávísun læknis, að baki þeim er fjöldi lyfjaávísana. Frekari upplýsingar um hvaða lyf er að ræða má nálgast í [sérlyfjaskrá/lyf.is](https://serlyfjaskra.lyf.is).